



江南餘載



四庫全書提要

江南餘載二卷



臣等謹案江南餘載宋史藝文志載之霸史類中

不著撰人名氏馬端臨文獻通考戚光南唐書音釋竝作江南館載字之訛也陳振孫書錄解題載是書原序略曰徐鉉始奉詔爲江南錄其後王舉路振陳彭年楊億皆有書大槩六家皆不足以史稱而龍衮爲尤甚熙寧八年得鄭君所述于楚州其事迹有六家所遺或小異者刪落是正取百九

江南餘載

楊栗

十五段以類相從云云然振孫謂鄭君者莫知何人考鄭文寶有南唐近事二卷作于太平興國二年丁丑又江表志三卷作于大中祥符三年庚戌不在此序所列徐鉉王舉路振陳彭年楊億龍衮六家之內則所稱得于楚州者當卽文寶之書檢此書所錄雜事亦與文寶江表志所載互相出入然則所謂刪落是正實據江表志爲摹本矣今世所行江表志名爲三卷實止二十四頁蓋殘缺掇拾已非完書此書所謂一百九十五段者今雖不

可全見而永樂大典內所引尙夥多有江表志所
不載者則江表志雖存而實佚此書雖佚尙有太
半之存也宋志載此書二卷書錄解題等諸家書
目竝同今采輯其文仍爲二卷以補江表志之闕
焉乾隆三十九年十月恭校上

總纂官侍讀臣紀昀

侍讀臣陸錫熊

纂修官編修臣陳昌圖

江南餘載

提要

二

江南餘載卷上

昇元初烈祖南郊是日司天

奏日延三刻

按江南野史延三刻

此作日未識孰是

天官書太乙紫宮尙紫故南郊壇墀皆取其色江南用

五色此五帝壇耳禮官失之

江南文臣烈祖時唯稱楊彥伯高弼孫晟李匡明龔溲

蕭儼成幼文賈澤

澤及事元宗

元宗時江文蔚王仲連李貽

業游簡言湯悅高越

越及事後主

張義方張緯鍾謨李克明

張易趙宣輔

宣輔及事後主

陳繼善後主時徐鉉徐鍇韓熙載

江南餘載上

一知不足齋叢書

王克貞張洎張穎張泌楊澤朱銑喬舜潘文祐湯渙楊

滂郭昭度孫舉伍喬孟拱辰馮溢李平張紹賈球顧彝

烈祖夜坐南薰閣召見道士王棲霞問何術可致太平

棲霞對曰治身治心乃治家國之本今陛下飢嗔飽喜

尙不能節何以福及蒼生是時元宗母宋后在簾中聽

之歎爲至語賜以金帛棲霞皆不受所居元真觀西北

陂澤中有高樹棲霞嘗於其上焚拜奏章烈祖欲爲之

建壇棲霞曰建國之初經用不足不宜營此閒務

烈祖嘗以中秋夜觀月延賓亭宋齊丘等皆會時御史



大夫李主明面東而坐烈祖戲之曰偏照隴西主明應聲對曰出自東海皆以帝之姓爲諷也

烈祖爲政事僕射時遣人聘越問識羅給事否曰不識亦未聞名越人曰四海知有羅江東爾獨拙於耳乎對曰金勝上無名所以不知也

王慎辭北使時烈祖授以論荅事語百餘條皆機務之要嚴可求覽之請益一事曰若問黑雲長劍多少卽對以來時五十指揮皆在都下柴再用不得赴鎮也慎辭至汴京果首問是時方議南征聞慎辭所對遂罷兵

江南餘載上

一知不足齋叢書

元宗初馮延魯自水部員外郎爲中書舍人李建勳歎曰爵祿所以馭士今四郊未靖而延魯以一言稱旨輒驟遷之若後有立大功者當以何官賞之

按陸游南唐書延魯本傳

亦載此乃江州觀察使杜昌業之言此作李建勳疑誤

元宗嘗語散騎常侍王仲連云自古江北文士不及江南衆多仲連對曰老子出亳州真源仲尼出兗州曲阜然則亦不少矣上有愧色

後主末年洪州有婦人萬氏善言禍福遠近謂之萬仙童江正臣謂時人曰此所謂國將亡聽於神者也未幾

而曹彬渡江

張憲爲監察御史後主旣納周后頗畱心於聲樂憲上疏言聞有詔以戶部侍郎孟拱宸宅與教坊使袁承進居止昔高祖欲以舞人爲散騎常侍舉朝非笑今承進教坊使耳以待郎宅居之亦近之矣後主批荅賜帛三十段以旌敢言

開寶中鄂國公從謙使梁以水部員外郎查元方副之旣至而盧多遜爲館伴使與元方對奕忽謂元方曰江南畢竟如何元方檢衽對曰江南事天朝二十餘年君

江南餘載上

三脚不足齋叢書

臣禮分極矣復以如何爲問耶多遜爲之愧謝因曰勿謂江南無人

曹翰屠江州噍類無所縱而義門陳氏昆弟七人散處城中事定皆還無所損人以此爲孝義之感

建州旣平俘虜人口稍多宰相李建勳請官出錢贖之還本土東閩賴之

徐鉉在徐州治官舍得宿藏錢數百千鉉恥而不取乃復瘞之後鉉家老奴潛往發之聞無所覩

保大中太平府聶氏女年十三歲母爲虎攫去女持刀

跳登虎背連斫其頸虎奮跳不脫遂斫虎死乃還家葬
母屍

嚴續在江州有奴忤意續策逐之州有柏林多虎奴請
殺之輒持挺往擊虎母并數子皆斃焉或言潭有蛟奴
解衣下浴蛟來繞之乃急拽登岸烹而食之謂人曰吾
勇無敵恨不見用於時耳

徐鉉言銅陵縣尉某懦不能事嗜酒善狂嘗與同官會
飲江上忽見賊艘鳴鼓弄兵浴流而下尉乘醉仗劍驅
市人而襲之賊皆就縛焉事聞後主嘉之賜以章服除

江南餘載上

四知不足齋叢書

本縣令此因酒而倖成也

錢氏科斂苛慘民欠升斗必至徒刑湯悅徐鉉嘗使焉
云夜半聞聲若響麈號叫及曉問之乃縣司催科耳其
民多躃行或以篾竹繫腰

徐知訓在宣州聚斂苛暴百姓苦之入覲侍宴伶人戲
作綠衣大面若鬼神者傍一人問誰何對曰我宣州土
地神也吾主入覲和地皮掘來故得至此

張崇帥廬州人苦其不法因其入覲相謂曰渠伊必不
復來矣崇聞之計口徵渠伊錢明年又入覲州人不敢

交語唯道路相目捋鬚爲慶而已崇歸又徵捋鬚錢其在建康伶人戲爲死獲譴者云當作水族去陰司送判曰焦湖百里一任作獺

姚鳳爲內轄使奢僭嘗因病思鹿血羹輒殺北苑長生鹿食之

宋齊丘好交術士得罪之日出入其門者蓋八百人

翰林學士江文蔚侍宴醉而無禮明日拜表謝罪上命賜衣七襲以慰之

元宗宴於別殿宋齊丘已下皆會酒酣出內宮聲樂以

江南餘載上

五知不足齋叢書

佐歡齊丘醉狂手撫內人於上前衆爲之悚慄而上殊不介意盡興而罷明日上於臥帷中索紙筆賜慰齊丘乃自安

游簡言爲中書侍郎兼領銓選差擇清峭有邵唐者試判不入等上疏言簡言父恭嘗爲鄂帥杜洪記室洪與朱梁結連恭預其謀簡言乃逆臣之子不宜列於清近上怒其誹謗詔決杖配流饒州

馮延巳自元帥府掌書記爲中書侍郎登相位時論少之延魯之敗御史中丞江文蔚上疏請黜延巳上曰相

從二十年賓客故寮獨此人在中有亦何足怪雲龍風
虎自古有之且厚於舊人則於斯人亦不得薄矣

楊守忠授武昌節度使宣麻日有禿鶯當正衙立班退
乃去未幾而守忠卒

開寶中嘗一夕有禿鶯自西北來成羣翳天自初更至
中夜方盡

趙宣輔者中原人仕於江南官省郎頗有時名重陽日
與兩浙諸公登高於北山誦杜甫詩以勸酒至明年此
會知誰健醉把茱萸仔細看澹然淚下坐客異之未幾

江南餘載上

六知不足齋叢書

宣輔卒

劉奐自言生時五星雖在吉地然俱隱不見吾必不得
爲權勢官矣後奐官終起居舍人

姚端年十八狀元及第宰相游簡言以女妻之未幾疾
終時人謂之女殺狀元

高越爲書生游河朔有牧伯欲妻之爲鷓子詩而去詩
曰毛骨英靈志性奇摩雲專待整毛衣虞人莫便張羅
網未冒平原淺草飛越後爲查氏婿

江夢孫夜夢直木生於庭詰朝其妻產男遂名直木幼

聰睿後官至刑部員外郎

張洎云嘗至信州龍虎山值鄉民產子者手執金如意一枚而生此子後爲道士不知所之

張洎與錢若水夜直太宗開滋福殿召二人草制詞加李昉左僕射班洎輒前數唐以來十餘名相皆有德望鎮服天下故自右加左今以此待昉非公議所允若水欲進解之洎當帝前以笏排若水曰陛下熟知矣明日洎進制草有云黃樞重地難委於具臣蒼昊景靈懼懼於大譴太宗竟從洎意昉止右僕射歸班

按此條載李昉加左僕射

江南餘載上

七知不足齋叢書

係宋太宗太平興國時事與江南無涉或因張洎而及之洎仕南唐爲清輝殿學士江南平歸宋拜太子中允保大末太弟懇乞就藩燕王宏冀爲皇太子以令旨榜子逼逐昭慶宮僚太弟始自鎮國門上馬就道論者知太子之不永焉

按元宗十六年三月改元交泰立宏冀爲太子是年五月卽奉周顯德年號明

年九月太
子宏冀卒

徐鉉以屯田郎中知制誥久次當遷中書舍人而宰相游簡言每抑之鉉遂詣簡言簡言從容曰以君之才地何止舍人但兄弟並居清要物忌太甚請少緩之使衆稱淹恤進固未晚鉉頗快簡言徐出妓佐酒疊唱歌

辭皆錯所製錯乃大喜起謝歸以告兄鉉鉉曰汝乃爲
數闋歌換中書舍人耶

趙叟者目保大之初至於開寶之季嘗爲貢院門子每
歲放榜之後或去或畱卒慶慰之若出於叟手然進士
何蒙贈叟詩曰桂枝輸卻正凄然又被鶯聲聒晝眠唯
有趙翁知仔細相傳好語待來年

開寶初舉子齊愈及第綴行至白門忽於馬上大笑不
已遂墜馭者扶策良久乃蘇蓋其喜成名如此

趙綺困於場屋將自三山北渡以歸梁京爲邏者所得

江南餘載上

八知不足齋叢書

遂下廷尉從獄中上書曰初至江干覺天網之難漏及
歸棘寺知獄吏之可尊後主覽之批其末曰陵雖孤恩
漢亦負德乃釋其罪明年綺狀元及第

賈覃自言應舉時從禽於鄂杜忽於村店遇大僚避雨
者竊訪之乃主司楊侍郎涉當時匆遽不暇脫韋袴衣
襪褰卷投贄楊公稱歎再三覃自以爲必入等矣及榜
出則無名有私於楊公者公曰覃好事業但不脫衣袴
故爲累耳

國中有稱冤者多立於御橋下謂之拜橋甚者操長釘

攜鉅斧而釘腳又有闕入於殿庭者謂之拜殿後主時
進士曾顛謝泌皆南省下第而顛釘腳泌拜殿以稱冤
士風於此掃地

陳致堯雍熟於開元禮官太常博士國之大禮皆折衷
焉與韓熙載最善家無擔石之儲然妾妓至數百暇奏
霓裳羽衣之聲頗以帷簿取譏於時二人左降者數矣
熙載詩陳郎不著世儒衫也好嬉游日笑談幸有葛巾
與藜杖從呼宮觀老都監其廳中置大鈴大署其旁曰
無錢僱僕客至請逸之

江南餘載上

九知不足齋叢書

高鎬有通天犀帶業毅有歌人皆當時無比者嘗請博
戲之滿座屏氣鎬擲大勝鎬命歌人引滿一曲以辭舊
主歌罷遂攜以歸

柴再用按家樂於後園有從人竊窺於門隙者再用遇
之召至園中使觀焉曰恐隙風傷爾眸子

孫晟初事秦王從榮從榮敗晟漁服亾命至貞陽未及
渡追騎奄至晟不顧坐淮岸捫做衣齧蝨追者捨去乃
渡淮至壽春節度使劉金延與語晟陽瘡不對授館累
日忽謁漢淮南王廟金先使人伏神座下伺之悉聞其

計
所禱乃送詣金陵時烈祖輔吳喜其文辭遂與禪代祕

江南餘載卷上

江南餘載上

十知不足齋叢書

江南餘載卷下

德明宮本南唐烈祖之舊宅在後苑之北卽景陽臺之故址有太湖石特奇異非數十人不能運致卽陳後主之假山遺址其下有井石欄有銘字跡隱隱猶在後苑有宮髻石世傳張祜舊物上有杜紫微杭州刻字相寄之跡祐以其形若宮髻故名之云祐平生癖好太湖石故三吳牧伯多以爲贈焉

元宗罷朝多御延英殿聽公卿奏事因卽其處爲閣甚壯有司請置額名上以生月在孟春御題爲千春閣

江南餘載下

知不足齋叢書
已卯重刊

朝元門三橋龍躍鎮國天津二曲尺跨水覆屋舊制文武大臣帶平章事者許乘馬行過鎮國天津二橋百官皆就二曲尺下馬

元宗遷都洪州過蕪湖江口永壽禪院親射偃蓋松東南枝遂枯死至今御箭仍在

讓皇在泰州賦詩曰江南江北舊家鄉二十年前夢一場吳苑宮闈今冷落廣陵臺榭亦荒涼煙凝遠岫愁千疊雨滴孤舟淚萬行兄弟四人三百口不堪回首細思

量

烈祖爲尚書左僕射年甫三十自以居揖讓之際非老
舊無以臨衆乃服白髮藥一夕皓然

讓皇在泰州數年每有嗣息及五歲必有中使至賜品
官章服然卽日告卒

蘇洪規築揚州城古塚中得石銘其文曰日爲箭兮月
爲弓射四時兮何曾窮但見天將明月在不覺人隨流
水空南山石兮高穹窿夫人墓兮在其中猿啼鳥叫煙
濛濛千年萬年松柏風

進士舒雅嘗從鄭元素學元素爲雅言溫韜亂時元素
江南餘載下

二知不足齋叢書
已卯四句

隨之多發關中陵墓嘗入昭陵見太宗散髮以玉架術
之兩廂皆置石榻有金匣五藏鍾王墨跡蘭亭亦在其
中嗣是散落人間不知歸於何所

宋齊丘出鎮洪州詔賜錦袍烈祖親爲衣之李

勳贈

詩有一人看上馬雙節引還鄉之句時論榮之爲延已

李建勳拜相張義方獻詩曰兩處沙堤同日築其如啓

沃藉良謀民間有病誰開口府下無人只點頭

莊布訪皮日休不遇因以書疏其短失世頗傳

休子光艸嘗爲吳越王使江南輒問江表何人

高或對曰近世無聞之所此贈皮日休書家藏一本光
鄴大慚

保大五年元日大雪詔太弟以下會宴登樓賦詩遣中
使就李建勳第示之建勳與中書舍人徐鉉勤政殿學

士張義方皆和進呈復召建勳義方鉉入夜艾乃散鉉

爲之敘太弟使名上畫爲圖障

按元宗元日大雪登樓詩云珠簾高捲莫輕遮

往往相逢隔歲華春氣昨宵飄律管東風今日放梅花
素姿好把芳姿掩落勢還同舞勢斜坐有賓朋尊有酒
可憐清味屬儂家

李夷鄴者前唐諸孫嗜酒不羈保大初以宗室賢才拜

江南餘載下

三知不足齋叢書

正卿累經左降逾年輒復舊官元宗上已開宴夷鄴不
在召中乃獻詩曰偶憶昔年逢土已輕舟柳岸宴羣臣
人閒蹇薄時時歎天上風光日日新玉帛已來諸國瑞
瑤池固有萬年春賦詩飲酒平生事腸斷金門願再親
上賜御札曰我家有此狂宗正快哉

徐鉉爲人忠厚不以位貌驕人在海州時蒯亮爲錄事
參軍鉉與往還如僚友亮授代鉉以詩送之曰昔時聞
有蒯先生二十年來道不行抵掌曾談天下事折腰猶
忤俗人情老還上國風光少貧裏歸裝結束輕遷客臨

流倍惆悵晚風黃葉滿孤城有印絜者獻詩曰不將才
業暫時誇人仰聲名遍海涯月滿朝衣聽禁漏更闌分
直掃宮花諫書未上先焚橐御筆曾傳立草麻見說下
朝無一事小池栽葦學僧家

徐錯撰義門陳氏書堂記有男女長幼以屬會之辭既
已授之又密令寫碑人自於未添一食字或問其故錯
曰非食無以義聚欲以此一字爲陳氏子孫之誡耳

李建勳致仕自稱鍾山公詔授司徒不起學士湯悅致
狀賀之建勳以詩荅曰司空猶不作那敢作司徒幸有

江南餘載下

四知不足齋叢書

山公號如何不見呼

李建勳罷相元宗於西苑天全閣別置廳院待之命右
僕射孫晟同寓直焉建勳進詩曰御苑賜房令待詔此
身殊勝到蓬瀛禁中仙樂無時過階下常人不敢行疊
穎弄芳秋氣落叢柯聳翠露華清天廚送食何功享空
詠康哉贊盛明

張洎潘祐俱爲忘形之交其後俱爲中書舍人乃相持
祐之死也洎蓋有力

韓熙載南遷上表略曰無橫草之功可補於國有滔天

之過目累其身老妻伏枕以呻吟稚子環牀而坐泣三千里路送孤客以何之一葉扁舟乘病身而前去上憫之遂畱不遣

開寶中張昭通判建州奉敕至武夷山清秋雨歇聞雲中仙樂自辰及酉不絕大抵多竹聲昭故曉音律審其曲有人閒迎仙客云

開寶末長老法倫夢金陵兵火四起有書生朗吟曰東上波流西上船桃源未必有真仙干戈滿目家何在寂寞空山聞杜鵑

江南館載下

五知不足齋叢書

秘書郎刁侃文安郡公

按文安郡公徐游知誨子也初名昇游避元宗諱去景字之

愛婿姻連戚里第宅蕭灑二日侃弟妹於庭下忽見兩

人浴古槐而上以瓦擊中之應手墮地四肢雖具長纒

二寸許狀如世所畫夜又然痊之是夕侃家堂室之間

鬼怪無數或見大手或呈巨額如是者三夕餘設醮謝

之猶不已也是時周維簡講易於侃別院獨無變怪於

是盡徙焉維簡方說泰卦倦而假寐恍惚中見冠裳者

數百人前揖自言昔自南岳來寄居古槐歲月已久今

刁侃弟妹皆無道橫害二子悲歎不堪適當索償既匿

先生之舍且先生方講聖經非某措手之時願聞談義容解脫之矣維簡驚覺爲之齋沐旬日終篇鬼怪乃絕安陸人毛生善食毒蛇以酒吞之嘗至洪州以弄蛇取食積十餘年有賣薪者自鄱陽來夜夢老父云爲我寄一蛇與毛生可乎賣薪者許之至洪州運薪將盡有蛇蟠船中棖觸不動因悟前夢攜以訪毛生毛生撥之忽嚼其乳大叫仆地食頃已爛亦不知蛇所在

金毅爲御史判官逮御史臺主簿判覆刑司歲餘染疫言見三囚荷校自陳罪不至死而君誤寘於法今得請

江南餘載下

六知不足齋叢書

於上帝君本猶有三十餘年在世三人各折君十年宜知之明日毅卒

祕書監歐陽遇判大理寺日奏當澤陽縣令余紹卿死罪時論寃之既而紹卿常見形相隨遇惡之乃請告至廬山九天使者廟下設黃籙齋醮以淨陰冥然紹卿亦至席閒其夕遇爲鬼神推擲殿下而斃

宋齊丘至青陽初命穴牆給食俄又絕之餒者數日中使謂齊丘曰俟令公捐館方俱食耳以絮塞其口遂卒卒時有黑氣起直貫九華山元宗暮年禁中往往見齊

上陳覺李徵古如生時禳之不去甚惡之因議南幸大子宏翼病亦數見太弟爲祟云

楊懷義爲侍衛時方在圍中鎗鼎忽自廚中成行而出列於庭下又半夜戈戟忽有聲火出炎炎者數夕俄而敗下獄

賈誥善望氣罷節鎮歸闕時艤舟江上忽見晚天氣如鸞鳳須臾羽翼零落色變爲蒼誥歎曰此爲我耳自是慘然不樂及召對果以忤旨謫授諸衛將軍

殷文圭爲舉子時嘗經大澤中遇大雨震電僕乘皆踣

江南餘載下

七知不足齋叢書

文圭安詳如不聞及至逆旅從者怪之試視文圭兩耳皆有泥封塞云後爲翰林學士

魏羽肄業於白鹿洞臨赴舉大醉臥百花峯下稍醒忽有鬼物十數輩環侍其側羽驚問之對曰以公貴人故奉守耳其後羽以昭文館校書起家過江至三司使工

部侍郎

開寶中吉州城頭有人面方三尺許睨目多鬚自旦至酉乃沒

開寶中宋師至金陵詔鄭彥華以水軍迎戰於慈湖峽

是以重霧不解八月十一日白虹貫日咫尺不分

范陽盧文進自云嘗偕契丹入絕塞射獵以給軍食一日晝晦星象燦然衆皆懼捕得番人曰吾國以爲常也頃之景復開朗

江州有田婦採拾於野忽爲虎攫而踞之婦向天大呼虎舉其掌婦視其中有刺因爲拔之虎乃捨婦而去

元宗時海國進象數頭皆能拜舞山呼

靈芝圖言千歲蝙蝠色如雪目如硃集則倒懸以其腦重故也服此可以長生後主時有人獲之進上上方事

江南餘載下

八知不足齋叢書

佛禁殺戮而不用後不知所之

唐末有御廚庖人隨中使至江表聞崔胤誅北司遂漂浮不歸畱事吳至烈祖受禪御膳宴飲皆賴之有中朝

之遺風其食味有鷺鷥餅天喜餅駝蹄餽雲霧餅

按陸游南

唐書雜藝列傳所載尚有春分餽蜜雲餅鑄糟炙瓏璉餽紅頭簽五色餽餛子母饅頭而無雲霧餅附載於此

後主篤信佛法於宮中建永慕宮又於苑中建靜德僧

寺鍾山亦建精舍御筆題爲報慈道場日供千僧所費

皆二宮玩用

鄭元素者溫韜之甥隱居廬山青牛谷不交人事元宗

召至都下館於徐鉉家及卒鉉令元素鄉人龍敏瘞其屍於石子崗臨穴之際有七鶴盤旋空中敏輒禱之一下拂棺蓋

許堅往來向曲廬阜之間草裝布囊或臥於野或和衣浴澗中蕭然不接人事獨笑獨吟而已其詩有云祇應天上路不爲下方開道既學不得仙從何處來又題簡寂觀云常恨眞風千載隱洞天還得恣游遨松楸古跡一壇靜鸞鶴不來青漢高茅氏井寒丹亦化元宗碑斷夢曾勞分明有箇長生路不向紅塵白二毛堅詩頗多

江南餘載下

九知不足齋叢書

其語意類此景德中無疾卒於金陵歲餘忽於洪州謁見兵部員外郎陳靖靖至建康言之王化基發其墓已尸解去

魏進忠不知何許人徐玠稱其有飛鍊之術上聞於烈祖俄擢爲延英殿使寵錫甚厚詔以延英殿爲飛鍊所進忠造宅於皇城之東廣致妓樂託結貴近出入導從擬於王者或贈人金帛動盈千百土人多附之經數年竟無狀遂配東海縣

周繼諸者鄱陽人詣闕上書累官至郎省告免歸鄉與

名僧道士爲雲泉之交元宗召之授以美官堅辭不就
上嘉之賜粟帛又賜金鉏一柄敕曰是朕苑中自種藥
者今以賜卿表卿高尚之節

蜀人陳曙者王氏末年避地淮南隱於蘄州山中鄉人
祀神曙不召亦必至醉飽而後去雖百神祠曙能徧往
也其所居屋一間道書數卷而已與蛇虎雜處而泰然
無所忌元宗遣中書舍人高越齋束帛徵之三往不應
後移居鄂州不知所終越贈曙以詩曙次韻荅之云罷
脩儒業學脩真養拙藏愚四十春到老不疎林裏鹿平
生未識日邊人澗花發處千堆錦巖雪鋪時萬樹銀多
謝朝賢遠相問未聞雜得鳳爲鄰

僧謙明嗜酒好爲詩獨居一室每日鑪中煮肉數斤醉
酒一壺不俟爛熟旋割旋飲以此爲常嘗中秋詠月云
迢迢東海出漸漸入雲衢此夜一輪滿清光何處無乘
興遂子夜鳴鐘烈祖聞之不罪也召問其所求對曰唯
願鵝生四腳鼈著兩裙

江南餘載下

上知不足齋叢書

五
國
故
事



五國故事 訂誤

上卷

第二頁前一行 黑雲都下脫累以軍功定淮南地唐拜行密為淮南節度使其十八字

第四頁前一行 以見楊氏下脫楊氏二字

第五頁後四行 吾兄為政暴急下脫主字

第六頁前二行 日我家郎下脫君字

第九頁前六行 初經下脫以字

後二行 後蜀先主下脫王字又建字下脫字光國三字

後三行 有神人謂下脫之字

五國故事 訂誤

第八頁前二行 市人下脫日字

下卷

第六頁後四行 因字下脫立字

後八行 自光山下脫起兵二字

右據盧學士抱經堂校本勘定

五國故事卷上

劍光閣鈔 開雕

偽吳楊氏

先主行密

唐淮南節度使中書令終吳王渭
僭號乃追冊為武皇帝廟號太祖

不僭號渭稱吳乃
追諡為景皇帝

渭
僭稱大吳列
諡曰宣皇帝

溥

偽號為讓皇帝乃李氏傳位之後冊
為高上思元崇古讓皇帝亦非吳也

偽唐李氏

先主 昇

偽諡為孝高皇
帝廟號烈祖

嗣主 景

偽諡至道文宣孝
皇帝廟號太宗

五國故事上

知不足齋叢書

後主 焜

入朝封遵命侯旋封隴
西郡公殂追封吳王

前蜀王氏

先主 建

偽諡神武孝德明
惠皇帝廟號太祖

後主 衍

歸降唐明宗
追封順聖公

後蜀孟氏

先主 知祥

偽諡文皇帝
廟號高祖

後主 昶

歸朝封秦國公薨追
封楚王諡曰恭孝

偽吳先主吳王行密廬州合肥人力舉三百斤微時居

常獨處必見黑衣人侍其側後既有家遂令部兵悉以



黑纓髯其首號曰黑雲都行密之妻兄朱延壽始爲行密稱薦旋至壽州節帥而延壽潛以宗姓通於梁祖將規淮南行密乃謀去之且慮召之不至遂詐爲目疾凡三年其妻且夕視其動靜以爲信至於私於隸僕悉避餘人唯不避行密密一日謂其妻曰吾目疾不瘳矣諸見且不克省軍府之事當屬於舅汝宜召之其妻自以書召延壽既至行密處正廳潛兵以見之俄而開目曰數年不見舅今且果相覩延壽惶駭遂叱勇士執而殺之仍廢其妻焉行密雄豪而頗有度量蘇州刺史成及

五國故事上

二知不足齋叢書

及浙之八都也後爲彰義軍節度使兼侍中皆王命也 爲部所叛執送行密密以

其厚重伉直頗重之舍於正廳之後房室閒亦有劍甲之類而行密盛暑中以單衣而至與及飲膳了無疑忌之色及又嘗抵行密內室見行密方起盥漱而右手擎一沙羅可百餘兩水滿其中而洗項則力舉三百斤不謬矣渥密長子旣襲父位遂舉兵克江西虜鍾氏而歸先是謠言云楊老抽嫩贅堪作打鍾槌此下有脫誤聲猶未率不堪嗣父事乃同謀害之而立其弟渭槌折之言蓋冥符也初溫之興顯同謀害渥實戊辰歲夏六月也

議既定其夕將瞑顥已先入而溫使告顥曰今非番直不欲俱入慮其謀漏泄請顥獨訖其事然後見報顥諾之其夕既殺渥遂召溫溫乃詣城門大哭曰張顥弑逆殺害老令公郎君矣軍衆皆爲之哭其夕遂殺顥立楊渭渭以溫兼左右軍政焉渭既爲主至己卯歲建僞號先是梁受唐禪楊氏遂不復朝貢因稱天祐十六年爲武義元年間一年渭卒乃以其弟丹陽王溥襲位僞諡渭爲宣皇帝焉朱瑾者楊氏之名將也徐溫既出鎮潤州以其子知訓知廣陵政事謂之政事僕射瑾與知訓

五國故事上

三知不足齋叢書

有通家之好嘗使知客詣知訓之第知訓纔二十餘頗以聲色爲務而潛與知客通取其所佩綃巾知客懼歸以告瑾瑾頗銜之一日楊氏會鞠於廣場知訓與瑾立馬觀之馬首相接瑾因揖知訓曰邠日綃巾希以見還知訓知事泄且慮瑾爲變翌日遂諷楊氏出瑾爲歷陽瑾知爲知訓所排將整行計密有圖知訓之意及知訓詣瑾告別時盛暑瑾以水徧灑廳事皆汪洋不可駐足乃直抵其內瑾大設宴以待之出愛姬姚氏薦酒乃獻名馬瑾愛其馬夏以羅幃冬以錦帳覆之知訓納拜於瑾瑾以手板擊殺

之截其首提八以見楊氏聞變乃閉諸門且曰伊自有
阿爺處置是事瑾以楊氏不見納遂踰城而出因墮城
下折足乃自剄吳人暴其尸於市蟲蛆不犯卽日其事
聞於昇州知誥誥謀於宋齊丘曰請明公卽今渡江
定其事仍馳聞令公令公卽溫也
時在潤州則政事之任歸公矣
不然令公當以諸子八代明公無望矣知誥立從之溫
聞知誥已八遂因而許之知誥旣代知訓以厚重清儉
鎮撫時俗頗革知訓之道矣徐溫嘗八覲知誥密聞於
楊氏曰溫雖臣之父忠孝有素而節鎮八覲無以兵仗

五國故事上

四知不足齋叢書

自從之例請以臣父爲始乃命溫悉去兵仗而入旣洎
知誥之第侍奉彌謹初更睡覺見有侍於牀前者問之
曰知誥溫因遣其休息知誥不退及再寤又見之乃曰
汝自有政事不當如此以廢公家之務知誥乃退及溫
中夕而興又見一女子侍立問之曰知誥新婦亦勞而
遣之他日溫謂諸子曰事在二哥矣汝輩當善事之溫
好被白袍知誥每遇溫生日必獻一日旣獻而座客有
諂溫者曰白袍不如黃袍好知誥遂斥之而謂溫曰令
公忠孝之德朝野所仰一旦惑諂佞之說聞於中外無

乃玷烜赫之名願令公無聽其邪言溫亦然之知誥慮
溫急於取國而已非其嫡不得以嗣故以是言之然內
謀其家外謀其國勞心役慮數倍於曹馬矣宋齊丘既
在知誥賓席溫甚疑之有石頭犬師者溫頗加待遇而
齊丘亦寓於石頭之精舍一日溫謂石頭曰宋措大在
吾兒子門下甚非純信之士慮其近習不以忠孝爲務
師其察之石頭乃伺其所爲而齊丘已察其意自是晨
出暮返歸必大醉或以花閒柳曲謳歌之辭以示之石
頭乃謂溫曰宋措大蓋狂漢耳不足爲慮溫由是不介

五國故事上

五知不足齋叢書

意知誥之兄知詢以徐溫旣卒乃代爲金陵節制爲政
暴急仍與知誥爭權知誥患之乃給以楊氏將申輔相
之命使知詢入朝知詢信之亟請入覲及至江都舍於
知誥之第且不得見知詢詰之知誥曰吾兄爲政暴急
上知之將加譴責 待罪於私第尙恐未暇況欲見乎
知詢由是始悔入覲尋處環衛之列焉行密四子渥渭
悉襲僞位唯濛爲溥之長濛第十七而長於弓馬徐氏
忌之故不立而終構其罪自臨川王廢爲歷陽公幽於
歷陽濛聞將有禪讓遂殺監守者與其下二馳赴廬江

詣周本本時爲廬江節帥即蒙之婦翁也本之子祚閉門不納本聞之

曰我家郎何以不見祚不荅因執濛官之於外濛因殺

數人而卒徐氏使溺其屍於江中知誥在相府嘗一日

不悅其夫人問之知誥乃告曰夜夢不吉以是爲憂耳

夫人曰夢無吉凶在人諉之耳有善諉者請召之庶解

憂慮知誥因出廳事俄見周宗於庭下乃謂曰我昨夢

過順天門俄而仆地非凶邪宗亟拜賀曰此明公宜令

人策立也知誥大悅及宗入內室與夫人同席而飲後

使宗知監鐵職務家遂大富官至侍中焉徐氏將移楊

五國故事上

六神不足禱鑿書

氏之祚乃以昇州爲大吳西都揚州爲東都聲言將遷

楊氏於江南改白沙爲迎鑾鎮俄而逼禪稱楊氏欲入

道乃營室於茅山遷溥居之冊曰受禪老臣臣知誥謹

上尊號曰高尚思元崇古讓皇帝溥旣渡江賦詩略曰

煙凝楚岫愁千點雨滴吳江淚萬行兄弟四人三百口

不堪端坐細思量及將遇弑方誦佛書於樓上使者前

趨溥以香鑪擲之俄而見害李氏以海陵爲泰州置永

寧宮於州之門右遷其族以處使親信褚仁規爲刺史

以專防護後周世宗渡淮李氏急使人赴海陵盡害之

知誥自以取國艱難乃忘勤儉金陵雖升都邑但以舊衙署爲之唯加鴟尾欄檻而已其餘女伎音樂園苑器

玩之屬一無增加故宋齊丘爲其挽辭曰宮砌無新樹

宮衣無組繡宮樂盡塵埃皆其實也知誥卽位改姓李氏更名昇稱大唐

今書其舊名宋齊丘既以徐氏啓慶開國之宴遂乘醉

大詬於筵上百僚悚然知誥隱忍而已吁開國祚首啓

宴樂台臣爲之酏酒晉史所謂我使庾純罵爾於席上

爾又不改此之類也由是言之蓋非國祚延遠之兆耳

知誥疾革以其子景達類己欲立之時景達爲成王居

五國故事上

七知不言爲敬書

守東都東都場州也知誥乃密爲書以召景達使入將付後

事醫官吳庭紹與知誥診候知其將終且召景達之事

遂密告李景使人追回其書時書已出秦淮門而追及之俄而知誥

殂景乃卽位其後吳庭紹遷內職人罕知其由或云知誥在位

嘗晝寢夢黃龍遶其殿檻使人視之報曰齊王抱小殿

之柱而立知誥心喜乃定其儲位齊王卽景之初封也

後爲吳王本名景通卽位改曰璟後避周廟諱更名景

以二說相異未詳孰是又嘗以其事實於江南一朝上

日非也徐溫旣與張顥將謀弑渥而先擇其嗣主而迎

夢入宮中見白龍抱其殿柱明日早入果見渥弟僧衣

日衣抱殿柱而立心景在位嘗構一小殿謂之龜頭居

乃定之非季氏事也

常處之以視事人有偵其所在必問曰大家何在在龜

頭裏及後有內附之事人始悟焉景卽位改元保大壬子癸丑閒有狂人遍揚州市詬罵市人待顯德三年總殺之又曰不得韓白二人殺之無噍類時朝廷廣順年也人皆莫測顯德之號俄而周太祖南郊改元顯德世宗襲位因仍其號至三年丙辰王師遂入淮南時韓侍衛令坤白太師重遇並爲戎帥王師旣入將屠其城而二公戢兵淮人得過江而南者九衆悉如狂人之言周師未南征而淮南市井小兒普唱曰檀來也衆頗怪之及揚州建春門有鼉鼉本陀音而俗謂之檀出於水次衆以爲應

五國故事上

八知不足齋叢書

矣未幾王師入先鋒騎兵皆唱蕃歌其首句曰檀來也方明其兆僞侍中周宗旣息於家財而販易每自淮上通商以市中國羊馬及世宗將謀渡淮乃使軍中人蒙一羊皮人執一馬僞爲商旅以渡浮橋而守繼以兵甲遂入臨淮雖金陵弛於邊防亦周宗務於貪黷破國之釁有若此者爲臣之咎不亦深乎煜景之次子本名從嘉嗣僞位乃更今名有辭藻善筆札頗亦有惠性而尙奢侈嘗於宮中以銷金紅羅幕其壁以白銀釘瑇瑁而押之又以綠鈿刷隔眼糊以紅羅種梅花於其外又於

花間設綵畫小木亭子纔容二座煜與愛姬周氏對酌於其中如是數處

每七夕延巧必命紅白羅百匹以爲月宮天河之狀一夕而罷乃散之

煜善音律造念家山及振金鈴曲破言者取要而言之

家山破金鈴破又建康染肆之榜多題曰天水碧尋而

皇家蕩平之悉前兆也

天水碧因煜之內人染碧夕露於中庭爲露所染其色特好遂

名初煜建隆二年七月二十九日襲僞位於金陵因登

樓建金雞以肆赦太祖聞之大怒因問其進奏使陸昭

符符素辯給上頗憐之是日對曰此非金雞乃怪鳥耳

上大笑因而不問昭符之對雖涉滑稽而能取悅上情

五國故事上

九知不足齋叢書

免其君僭上之責亦其忠也

僞蜀先主建許州舞陽人也世爲餅師嘗葬其父乃發

地數尺而瘞

鄉人卜葬皆以卽日求地開塋故也

其棺躍出有神人謂曰

此天子之地女小民何容卜葬建不聽但瘞之棺復躍

出如是者三乃得葬其後爲忠武軍部將討尙君長於

山東力戰馬斃剖之得蛇於馬腹由是自負建初以唐

朝之命析黎雅邛蜀四州爲永平軍節度旋領兩川封

蜀王及梁太祖受禪乃僭大號梁祖以其俱爲唐朝勳

舊不敢傲之又以岐隴不附欲假建爲腹背之患乃與

之通和使介交質情好九篤建初復書於梁祖曰七十州自可指揮八千里罕因開拓又曰俱非恃強逼禪皆以行道濟時云建在位有漢州人郭迴耕得古銅牌以獻有王建王元膺以下六十餘字建乃改其長子名元膺以應其事識者曰膺者胸也胸者凶也皆非吉兆俄而元膺以延巧之夕將請建宴於東宮遂謀作亂事發元膺伏誅乃立其少子鄭王衍是爲後主建在偽位十有二年凡五改元曰武成曰永平曰通正曰天漢曰光天仍以其僞號易錢文而鑄之

今惡錢中尙有

建急於督責雖

五國故事上

十知不足齋叢書

倉廩充溢

延博案而鑄之至倉廩充溢十九字據別本增入

而聚斂不已蜀中

每春三月爲蠶市至時貨易畢集闐闐填委蜀人稱其繁盛而建嘗登樓望之見其貨桑栽者不一乃顧左右曰桑栽甚多儻稅之必獲厚利由是言出於外民懼盡伐其桑柘焉建末年苦於痢疾疼楚尤劇但坐錦囊而疾中顧左右曰我見百姓無數列於牀前詬我曰重賦厚斂以致我傷害而死今已得訴於帝矣建曰我實不知外閒如此今如之何未幾而殂衍卽僞位荒淫酒色出入無度嘗以繒絲數萬段結爲綵樓山上立宮殿亭

閣一如居常棟宇之制衍宴樂其中或踰旬不下又別立一綵亭於山前列以金銀綺釜之屬取御廚食料烹燂於其間衍凭綵樓以視之謂之當而廚綵山之前復穿一渠以通其宮中衍乘醉夜下綵山卽泛小龍舟於渠中使宮人乘短畫船倒執蠟炬千餘條逆照水面以迎其船歌樂之聲沸於渠上及抵宮中復酣宴至曉綵樓山遇風雨霜雪所損乃重易之無所愛惜又好擊鞠常引二錦障以翼之往往至於街市衍爲步障所蔽而亦不知乃齊東昏高障之類也好戴大裁帽蓋欲混己

五國故事上

十一知不足齋叢書

廷博案此處似有脫誤據蜀檮杌云衍好私行恐人識之故令民間皆戴大帽

包羞之兆耳衍好燒香沈檀蘭麝之類芬馥氤氳晝夜不息旣而厭之乃取阜角燒之其奢縱皆此類也初建立衍爲嗣鑄銅鐘於佛寺虛懸之其聲洪遠建乃謂其下曰吾立此鐘爲立太子故也今聲洪遠是必東宮將來之慶俄而纔及八日其鐘頽地龍首摧落建聞之不懌衍龔僞位果八年而亾國衍之末年率其母后等同幸青城至成都山上清宮隨駕宮人皆衣畫雲霞道服衍自製甘州曲辭親與宮人唱之曰畫羅裙能結束稱

腰身柳眉桃臉不勝春薄媚足精神可惜許淪落在風塵宮人皆應聲而和之衍之本意以神仙而在凡塵耳後衍降中原宮妓多淪落人間始驗其語初莊宗卽位與通好命客省使李嚴使於蜀衍建上清道宮塑元元及唐朝列帝宮中偽尊王子晉爲聖祖至道玉宸皇帝塑其形仍塑建與衍侍立其側召嚴以觀之衍因備法駕行朝謁獻享之禮而亦享唐之列聖蜀人以此爲朝唐之列聖蓋歸中原之兆也謁享之日蜀中士女夾道觀之珠翠簾幕爲之照耀及嚴回乃言可取之狀嘉王宗

五國故事上

士知不足齋叢書

壽者王氏宗室中最爲賢王嘗因重陽衍召宗室及近

臣宴於宣華苑自且至於繼火沈湎尤甚宗壽因以社

稷之事言之涕淚交落而佞臣潘在迎顧在珣廷博案蜀構杌

作顧珣在字疑衍文韓昭等數輩以爲嘉王酒悲因爲諧謔笑玩

而罷及蜀亾宗壽至洛表請以公禮葬衍朝廷因追封

衍爲順正公出葬之日宗壽步從之尋爲淄州刺史復

爲青州節度使以壽終蜀之王公亾國之後多所淪喪

而宗壽獨保其終以見上天福善之道後唐旣平蜀士

乃以太原節度使孟知祥走馬入蜀以鎮撫之及明宗

時安重誨用事知祥乃絕朝貢尋以長興五年遂僭大號初王氏在蜀建初宮殿皆紀大匠孟德名氏於梁俄而終爲孟氏所處知祥僭號纔七月而終其子昶嗣僞位昶尙年少乃與其母后同宮數年餘遂遷新宮而居以其宮宇稍廣乃選民間女子有殊色者充之及有司引至後苑昶親選擇佳者亦賜諸王餘則縱去而民間懼其搜選皆立求媒伐而嫁之謂之驚婚焉昶之幼年有日者周元豹視之謂知祥曰此兒骨法非常宜愛之知祥不聽後又遣元豹同昶於戲劇之處熟視之旣而告曰此四十年偏霸之主非等閒也知祥始喜由是特加愛念昶之母后卽後唐積慶公主之從車也嘗在并門累從征伐備歷艱難由是頗務慈儉常戒昶以固福壽爲懷而昶亦能稟之寢處惟紫羅帳紫碧綾帷褥而已無加錦繡之飾至於盥漱之具亦但用銀兼以黑漆木器耳每決死刑多所矜減而儉止一身仁唯容惡乃匹夫之小節耳然仁道至大元鑒孔昭及歸皇朝終訖天命遠視李氏近觀王衍禍福之道蓋相方焉蜀之末年百官競執長鞭自馬至地婦人競戴高冠子皆謂之

朝天又製新曲名之曰萬里朝天意謂萬里皆朝於已
及歸降之後崎嶇川陸至於京師乃萬里朝天之驗矣
昶性畏懦在位唯每年春一拜知祥之陵及十一月誕

日

偽號明
屢節

幸佛寺燒香而已他無所適每出則乘步輦

垂以重簾環結珠香囊垂於四角香聞數里人亦不能

見其面

昶出外則以其輦輦崇飾奢麗居
常在內帷銅裝朱漆小輦而已

故三十年不

南郊不放燈率由懼非常也昶後體重遂不乘馬內殿
惟飼一打毬馬而久不按習亦不堪乘跨其餘名馬多

屬之親王近臣耳

五國故事上

十四知不足齋叢書

五國故事卷上

五國故事卷下

偽漢彭城氏

先主

嚴偽諡天皇大帝廟號高祖

第二主珍

偽諡煬帝

第三主晟

偽諡文武光聖明孝皇帝廟號中宗

後主

張入朝封恩赦侯
祖封南越王

偽閩王氏

忠懿王審知

不僭號朝廷封閩王終諡忠懿延鈞僭位偽冊太祖

延翰

偽稱閩不僭帝號踰年而終無聞偽號

五國故事下

延鈞

偽稱大閩皇帝偽號太宗

昶

鈞子襲偽號偽諡康宗

延義

襲偽號為朱氏所滅無聞偽號

延政

建州僭號大商皇帝尋為淮人所虜偽封光山王

宗屬王延稟

王延彬附

朱文進

卓儼明

李孺贇

龔從効

張漢思

陳洪進

俱附

偽漢先主名巖後名龔

後又名龔龔之字曰儼本無此字龔欲自大乃以龍天合成其

字以其不典故不書

其先上蔡人徙閩之仙游復遷番禺因家焉

父謙為賀水鎮將既卒以其子隱嗣隱即巖之兄也先

一知不足齋叢書

時唐末天下藩鎮不受代而薛王知柔以石門扈蹕功授唐廣帥丞相齊公徐彥若復代知柔隱皆迎納朝論嘉之尋自爲廣帥隱卒巖代其任初巖之正母韋氏頗妬聞其生乃仗劍於中門使其兒至將殺之家人不敢匿乃持去既見之後劍輒墜地乃跪而抱之曰此我家之寶遂取爲己子梁朝命冊南平王以中原多事乃僭號改元乾亨封其子十有八人爲王九年八月白虹入其僞三清殿中頗憂畏中外震懼會有詞臣王宏欲說巖乃以白虹爲白龍見上賦以賀之巖大悅乃改元

五國故事下

二知不足齋叢書

白龍更名龔又改爲龔

龔見前注

謙初爲封州刺史而其母

段氏生巖有日者視之謂謙曰公之諸子唯少者貴耳

又巖性嚴酷果於殺戮每視事則垂簾於便殿使有司

引罪人於殿下設其非法之具而屠脍之故有湯鑊鐵

牀之獄又有投湯鑊之後更加日曝沃以鹽醋肌體腐

爛尙能行立久之乃死其餘則鎚鋸互作血肉交飛腥

穢之氣冤痛之聲充沸庭廡而巖之唇吻必垂涎及頓

頤若喻膏血之氣者久之方復常態有司俟其復常乃

引罪人而退蓋妖蜃毒龍之類非可待以人倫也巖暴

政之外惟以治宮殿爲務故作昭陽諸殿秀華諸宮皆極瓌麗昭陽殿以金爲仰陽銀爲地面簷楹榱桷亦皆飾之以銀殿下設水渠浸以真珠又琢水晶琥珀爲日月列於東西二樓之上巖親書其榜

已上見進士王宏昭陽殿賦詢之越

人皆非

其餘宮室殿宇悉同之每引嶺行商以示奢

博

案句似誤一本云每引嶺外行商以示奢侈

亦由之而稱強盛涼臺之寶不

亦疎乎巖末年乃天福王寅歲是歲夏四月避暑於甘泉宮時長星見乃宋孝武萬歲之說未幾而殂焉巖既卒子玠嗣位是爲殤帝昏暴益甚爲長夜之飲二年春

五國故事下

三知不足齋叢書

三月其弟晟因人之情乃使壯士夜以角觥進因而弒

之於長春宮玠卒晟乃襲僞位改元應乾

晟本二名上一字犯宣祖

諱去

之江南李氏因湖湘之勢遂以兵侵其境爲晟所敗

獲其敗卒盡滅去一臂以歸之江南由是絕南顧之意

晟僻在一隅自爲強大以中國帝王爲洛州刺史每宴

會則獨處殿庭之間侍宴臣僚皆結絲亭列坐於殿之

兩隅宴酣則有司以檻獸而進兩傍傍翼以戈戟晟親持

弓矢下殿有司引獸檻而前逡巡獸出移庭而上晟引

弓射之兩旁戈戟競進獸乃斃其爲樂皆類此耳晟晚

年猜忌功臣宗室誅戮相繼陳道庠者嘗爲角觝以絀
殤玠者晟旣忌之欲其自退乃賜之漢紀一部庠受賜
莫知其由因以問內侍鄧申申曰殺韓信醢彭越之謂
也庠因稱疾晟聞之反怒申以漏洩乃兼誅之晟每誅
親族其子皆鳩死女有色遂置嬪御之列晟之所爲雖
蠻夷不足以論理而人倫之內實所忍聞焉銀鏤之長
子也年十七襲僞位改元大寶委政內官龔澄樞及才
人盧瓊仙又引巫樊胡子自言玉皇大帝附其身服遠
游冠妖言以陳禍福鏤於內殿設帷幄陳物玩以奉之

五國故事下

四知不足齋叢書

胡子爲大帝言謂鏤曰盧瓊仙等皆我命之以爲爾輔
爾當盡心委之無得妄有疑慮鏤再拜而聽由是內外
淫亂鏤踵父之奢縱立萬政殿飾一柱凡川銀三千兩
又以銀爲殿衣閒以雲母無名之費日有萬千末年野
草生於宮殿御井石自行百餘步狐鳴鬼哭妖怪日作
至於亾國焉鏤旣爲天兵所敗其下乃燔爇府庫寶貨
之外其眞珠至美者凡四十有六奪焉及至京師鏤乃
自結眞珠龍鳳鞍鞞以獻太祖謂羣臣曰聞鏤所貢悉
皆手製其所善止如此不亾何待邪鏤在南越僞封衛

王及歸朝封恩赦侯旋改彭城郡公又進封衛國公及
薨追封南越王焉吁彭城氏非積善之家以淫刑爲政
加之內理無復禮度雖滅亾也而猶獲其令終者不亦
幸乎

閩忠懿王諱審知光州固始人也長兄潮次兄圭及審
知軍中號爲三龍皆以唐末起兵爲黃巢部伍巢敗乃
領其衆入泉州旋自泉州復入福州初碎石僧爲讖辭
曰巖高潮水沒潮退矢口出若言潮破福州陳巖而審
知終嗣其地也潮嘗使日者視已兄弟曰一个勝一个

五國故事下

五知不足齋叢書

審知方侍其側沾汗而退審知性儉約嘗衣紬一日袴
敗乃取酒庫醪袋而補之又嘗使南方回者以玻璃瓶
獻之審知看玩久之因擲於地謂左右曰好奇尙異乃
奢侈之木今沮之貴後代無爲漸也或云延鈞僭立以
御服被於審知之廟審知寓夢於延鈞責之不肖服延
翰審知子也襲父位踰年而終翰妻博陵氏之女性悍
妒而殘忍嘗以練縛姬侍而鞭之練染血赤乃止又置
木掌摑人一旦盛暑天無纖雲而霆電擊博陵斃於中
庭或曰忠懿暴終博陵之鳩故也延鈞審知次子延翰

殂遂襲其位無奇能政其初數年頗亦善守比及季運
乃僭稱大號號國曰大閩改元龍啓卽位日旣被袞冕
遂恍惚不能自知久之方蘇乃心許飯僧三百萬繕經
三百藏尋而稍安乃訖其禮復於諸寺賽所許願又疏
中明述其事聞者哂之曰大閩之應天順人有如此者
延鈞旣僭位改名鱗鱗將死有赤虹入其室飲以金盆
水吸之俄盡又芝生殿門俄而遇弑鱗死金陵以閩人
語訛戲之因送綾遂以爲花絹意以鱗爲綾避其諱也
鈞初議僭號不欲盡兼尊欲爲閩國皇僞翰林學士周

五國故事下

六知不足齋叢書

維岳進曰陛下欲稱國皇臣亦止稱翰林學又爲赦書
有日行五十里之說聞者哂之延稟者審知之養子眇
一目人亦謂之獨眼龍延鈞兄也翰旣死稟自泉州
率兵而至因延鈞爲主自還泉州將行謂鈞曰善守之
無煩老兄再至鈞憾其言後因詐疾以死計於稟稟復
來遂以兵迎於南臺江斃之舟中取其首至而責之曰
果煩老兄再至矣因梟之無諸市稟之子繼昇繼倫皆
奔浙中初延稟自光山赴建州人一山寺劫掠有僧但
誦法華經見稟不起稟怒殺之後常見僧現其形細視

之乃延鈞耳稟由是心疑至是果驗其冤昶本名繼鵬
僞封福王卽鈞之長子也鈞旣爲皇城使李倣所弑而
立昶昶遂改元通文性狂狷嘗欲練兵襲金陵乃於殿
庭設大砂羅於射棚示衆曰一發中之當平定江南射
棚去庭堦纔五六十步砂羅復甚大果一發中之其下
皆賀曰此一箭定天下矣遂發兵至於境上金陵聞之
無所詬責但曰愍其有此大志耳昶立而忠懿王之勳
舊悉屏去之衙兵先號威武軍者亦棄不用威武軍忠
懿王之親兵也以軍額而名之因召市井屠沽輩別立

五國故事下

七知不足齋叢書

宸衛軍名衣以羅襦銀帶飲食之器悉皆中金所給俸
賜復數倍於威武威武頗怒一日潛匣劍遂取延義於
私第而立之延義審知第二十八子也先時得罪於昶
昶囚之私第有庭石一根一日有白煙一穗起於石上
久之方散延義懼乃密召道士陳守元卽僞號陳天師
者也使禳剋之守元曰未必不爲嘉兆也是夕兵至其
門而迎之延義謂昶使人收之乃逃於廁中久方出延
義卽位改元永隆移書於鄰國曰六軍踴躍於門前羣
臣懽呼於日下是也延義在位爲長夜之飲鍛銀葉爲

酒杯以賜飲羣下銀葉既柔弱因目之爲冬瓜片又名
之曰醉如泥酒既盈卽不許復置他所惟飲盡乃可舍
自宗室泊宰臣而下多以拒命見誅嘗一夕醉甚命其
僞宰相李準棄市而準方大醉臥於市中唯呼其婢春
鶯而已行刑者不敢殺因致之非所明日延義視朝使
召準左右以夜來之命對之延義都不能知乃急召仍
復其位是日又宴翰林學士周維岳復被怒下獄獄吏
拂榻而迎之曰尙書無苦憂昨夕相公方宿此今亦無
恙旣醒果然又嘗會飲極酣

侍者皆退惟義與維

五國故事下

八知不足齋叢書

岳在坐因顧左右曰維岳身軀甚小而能飲如許酒左
右對曰臣聞酒有別腸非可以肌體而論之延義欣然
曰果有別腸卽使搜維岳下殿將取別腸視之左右善
對曰今侍奉飲樂唯維岳最有殊量取其別腸是無可
陪奉者延義然之遂獲免其荒淫暴虐率皆此類延義
末年爲僞客省使朱文進所弑遇弑之日延義將與其

僞妃上官出上官之私第

廷博案別本出字
增氏字下增幸字

首蓂數

花自九龍殿褰簾而出三爲簾所拂花墜於地延義復
整花上馬馬驚躍不能上者數四旣而不踰數步爲衛

士以金鎗而害之閩人每出衙仗必木爲刃以四金鎗
衛於馬前至是乃以此爲亂王氏遂滅忠懿嘗問懿山
僧國祚脩短僧曰大王騎馬來騎馬去忠懿以丙午得
閩至開運丙午歲而國亾其言驗矣延政延義弟也延
義卽位乃請以建州爲威武軍延義不許因授延 爲
建州鎮安軍節度使延政乃自更爲鎮武後復僭號稱
大商皇帝改元天德以其廳爲太和殿雖服赭袍而早
晚參衙及見四方使介如藩郡之禮延義遇害閩人有
迎延政於建州者會延政爲淮兵所攻不能下使其子

五國故事下

九知不足齋叢書

繼雄至復爲文進拒而殺之延政終歸於江南封自在
王尋改光山王終鄱陽焉延彬圭之子忠懿之猶子也
圭死襲其父封於泉州頗與延鈞篤兄弟之分性多藝
而奢縱日服一巾櫛日易一汗衫旣醉必以龍腦數器
覆之無病則亭午方起能爲詩亦好說佛理詩人禪客
謁見多爲所沮宅中聲妓皆北人將求妙必圖已形而
書其歌詩於圖側曰才如此貌如此以是冀其見慕初
圭領兵至泉州舍於開 寺始生延彬於寺之 堂旣
生而有白雀一棲於堂中迄延彬之終方失其所在凡

三十年仍歲豐稔每發蠻船無失墜者人因謂之招寶
侍郎進士徐寅嘗爲人生幾何賦云任是三皇五帝不
死何歸後因脩合求藥於延彬延彬卽書其賦辭於紙
尾而報之其風味又類此也朝廷授延彬雲州節度使
及卒復贈侍中葬雲臺山迄今閩人謂之雲臺侍中其
詩有尤者曰兩衙前後訟堂清軟錦披袍擁鼻行雨後
綠苔侵履跡春深紅杏鎖鶯聲因攜久醞松醪酒自煮
新抽竹笋羹也解爲詩也爲政儂家何似謝宣城人多
誦之

五國故事下

十知不足齋叢書

僞宋文進者王氏時爲客省使旣弒其君延義乃稱藩
於朝廷行

天福年號朝廷授文進福州節度

使同中書門下平章事封閩國王泉州指揮使婁從效
殺文進所署刺史黃紹頗以王繼勳代之遙應建州文
進發兵攻之爲泉人所敗連重遇乃殺文進傳首建州
以從子繼昌來守福州爲淮兵所阻不得進指揮使李
孺贇乃推僧卓儼明爲主卓儼明本神光寺僧住上方

達將自立

李孺贇本名達。延博案孺贇本名宏達。賜名宏義。今云本名達。及後云賜名義者皆避宋宣祖諱。如前僞漢第三主晟之例也。攷十國春秋又作仁達。蓋亦宋時例。攷如表忠觀碑稱忠獻爲仁佐。是

也并附識之○又案王壺清話以儼明懼人情不附乃

爲崑明及稱李義爲內臣未詳孰是

懼人情不附乃

假立之示衆曰儼明在神光寺上方嘗睡菴中有赤蛇

出入其鼻中此異人也當迎立之衆從其議未幾殺之

遂自立既自立乃表朝廷授檢校太尉同平章事充福

建節度使知閩國事復求爵於朝廷不允遂歸江南編

入屬籍賜名義預其僞皇子之列既而召之使入覲孺

賀復不聽命遂爲江南所攻告急于浙兵救之圍解乃

覲於浙改孺賀未幾還本任復謀叛爲浙兵所戮其弟

孺賓亦誅焉婁從劾泉州桃林人也父諱璋初與董思

五國故事下

十二知不足齋叢書

安張漢思陳洪進等俱爲本州偏將及朱文進篡滅王

氏以其將黃紹頗守泉州從劾等因殺紹頗而立王繼

勳以應建州文進舉兵攻之不克及江南剋建州從劾

首請江南之命累授從劾至檢校太尉兼中書令

泉州清源軍節度使鄂國公十數年閒頗亦強盛建隆

壬戌歲從劾自五月發疽至於七月不愈中外音問不

通羣校頗有異議一日先鋒指揮使王名請入省疾

而從劾危篤乃以關路之廷博案宋史但云疽發背死從劾死衆立

張漢思爲帥以洪進副之使王名出守漳州不聽又

遣戍蒲田亦不聽因使衆擊之垂困送回安縣羈縻之
未幾而斃初從效有泉南之地洪進爲其大將與張漢
思同列從效死漢思有其郡且請節制於江南以洪進
爲節度副使而頗忌洪進一日設筵將害洪進俄而地
震漢思惶惑洪進遂起出他日洪進率子弟徑入衙署
取其符印而廢之送家莊洪進因請命於朝廷授以平
海軍節度使太宗卽位乃脩朝覲改授徐州節鎮兼使
相封岐國公終贈中書令諡曰忠順

五國故事下

十三知不足齋叢書

五國故事卷下

陸敕先借鈔訖

錢遵皇錄過

壬寅仲春初九日闔于劍光閣 唐卿識

趙前之借錄

右五國故事上下卷分紀楊行密李昇王建孟知祥
劉巖王審知六國事而未附以朱文進諸人其曰五
國者合前後蜀爲一國也鄭氏通志列之霸史不著
撰人姓氏按卷中以畱從效作婁從效徵之楓窗小
牘云錢武肅辟羅昭諫書曰仲宣遠託婁荊州以婁
代劉避武肅嫌名也則此書蓋吳越閒人所著故於
諸國皆書姓而漢獨稱彭城氏與林垌等撰吳越備
史同例又其証也向無刊本傳鈔多謬如下卷漢先
主名巖後名龔注云後又名龔傳本脫去龔字又誤

五國故事 跋

一知不足齋叢書

注文後字爲俊康熙閒吾宗志伊太史撰十國春秋
据其本遂云一名俊復注云無攷不知爲後字之訛
也又任臣採錄此書最詳獨遺徐知誥取知容綰巾
及王延義褰幃整花二事細案之亦他本所佚也此
冊爲明代劍光閣舊鈔較他本爲勝江南藏書家多
從借錄題名具存有足徵者鮑君以文喜刊異書以
家所藏爲未善請以付梓固予素志也喜綴數語輟
而贈之

乾隆癸巳仲春三日仁和吳長元書於池北草堂

